



Uunga Inatsisartunut ilaasortaq
Lars Poulsen
Siumut

18-06-2025
Sags nr. 2025 - 12938
Akt. id. 25462302

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 060-2025-mut suliffissanut nittartakkami sullissinnermut tunngatillugu, tassunga ilanngullugit neqeroortitsinermi piumasaqaatit aamma oqaatsitigut atorpeqarsinnaanera

Asasara Lars Poulsen.

Inatsisartut suleriaasianni § 37, imm. 1 naapertorlugu jobindex.gl pillugu Naalakkersuisunut apeqqutinik nassiussivutit.

Qujanaq saaffiginnissummut aamma suliffissanut utaqqiisaannaagallartumik nittartakkamut atatillugu apeqqutinut pingaarutilinnut. Naalakkersuisut tamanut ammasumik oqallinnermi aamma saaffiginnissutit ilaanni pissutsit, siusinnerusukkut suliffissanut nittartakkamut, utaqqiisaannaagallartumik aaqqiissummut aamma suliffissanut nittartakkamut piujuartussamut, ineriartortinneqartumut tunngassutillit akuleriissinneqartartut nalaattarpaat. Illit apeqqutinnut akissutit tulluuttut aqutugalugit pissutsit piviusut pillugit ersarissanissaq inissiinissarluk kissaatigineqarpoq.

1. Naalakkersuisut pisortat suliffissaannik nittarsaassinissamut atortussamik ujartuinnerminni tamanut ammasumik suliarinnittussarsiorsimappat?

Naalakkersuisut suliffissanut nittartagaq nutaaq pillugu tamanut ammasumik ulloq 14. februar 2025-mik piffissalerlugu neqeroortitsippat. Pisariaqartitsinermit qulaajaaneq aamma piumasaqaatit pillugit suliaqarneq 2024-mi aallartinneqarpoq. Aaqqiissutissaq piujuartussaq nutaaq pillugu qaammatit tallimat sinnerlugit sukumiisumik paasiuminartumillu neqeroortitsisoqarpoq, neqeroortitsinnermut inatsit aamma pisortat pisiortortarneranni malittarisassat atuuttut tamakkiisumik naapertorlugit. Nittartagaq taanna tassaavoq Naalakkersuisut saqqummiunnissaanut qilanaarisaat, aamma nittartakkamik pisoqqamik matuneqartumillu sulig.gl-imik aamma utaqqiisaannaagallartumik aaqqiissummi jobindex.gl-imik taarsiisussaq. Naalakkersuisut erseqqissarusuppaat jobindex.gl tassaannngimmat nittartakkamik pisoqqamik Sulig.gl-imik matuneqartumik, imaluunniit pisortat suliffissanut nittartakkamik piujuartussamik taarsiissutaasoq. Naalakkersuisut suliffissanut nittartagaata nutaap saqqummiunneqarnissaata tungaanut utaqqiisaannaagallartumik aaqqiissutaavoq. Nittartagaq suliffeqarneq pillugu Inatsisartut inatsisaannik assigiinngitsunik eqquutititsisumik aaqqiissutinik imaqaassaaq.



a. Taamaappat, unammilleqatigiinnissaq pillugu suliariumannittussarsiorneq qaqugukkat pisimava aamma suut piumasaqaatitut tunaartaralugit tamanna pisimava?

Nittartagassap qanoq atorineqarnissaanut piukkussineq pillugu tigussaanagerusumik paasisitsiniaalluni, ataani allaqqasut immikkoortut qitiusut ersarissarneqarput, taakku nittartagassamut neqeroortitsinermit piumasaqaatinut ilanngullugit suliarineqareerlutik. Immikkoortut taakku inatsiseqarnermut inuiaqatigiinnullu eqquutitsineq anguniarlugu piumasaqaateqarput mianerinnittuullutillu. Assersuutigalugu neqeroortitsinermit piumasaqaatini allaqqasoqarpoq:

“Innuttaasunut

Nittartakkap nunatsinni innuttaasut aamma inuit Kalaallit Nunaannut immikkut ittumik attuumassuteqartut qulakkiissavai. Imaattunik:

- Suliffissamik inuttassarsiukkat tamaasa siulliuffigineqarnissaannik neqerooruteqarneq
- Suliffissamik tulluarsaanermut ujarliutit naammassisaqarsinnaalluarnermut immikkoortiterisinnaanermullu periarfissat atorineqassapput
- Suliffissamut ujarlernermit sakkussani kalaallit oqaasii atorineqassapput (CV-iliornermut, apersuinissamut ilitersuutit, kajumissaarinermit videoliat)
- Suliffeqarfinni ilinniartunik inissaqartitsisut inissaqartitsinngittullu pillugit ersarissumik saqqummiisinnaasoq”

Aamma:

“Nittartagaq isumalluutini sakkussanillu neqerooruteqassaaq, pingaartumik nunatsinni suliffissarsiorlut suliffissamik ujaasineranni tapersersuisinnaasunik; assersuutigalugu kalaallisut CV-iliornermi assersuutit ilitersuutillu, apersuinermit siunnersuutitsialaat, naatsumik allaatigisat aamma attaveqaatinut periarfissat. Anguniagaavoq suliffissarsiorlut suliffissamik nassaarnissaannut qulakkeerinnissaannullu periarfissaannik pitsaanerulersitsinissaq”.

2. Nittarsaassivissap nutaap toqqarnerani, qanoq atuisunut atoruminartuunera kalaallisullu oqaaseqartunit atorineqarsinnaanera pillugit innimittartoqarsimava, tassami kalaallisut allassimasut takussaangillat?

Akissut una utaqqiisaannaagallartumik aaqqiisummut jobindex.gl-imut tunnganngilaq, kisianni nittartakkamut piujuartussamut maannakkorpiat neqeroortitsinerup kingorna ineriartortillugu aallartinneqartumut tunngavoq. 2024-p naanerani suliffissanut nittartakkami nutaami pisariaqartitsinermit piumasaqaatit pillugit suliarineqarnermut atatillugu, immikkoortut inuiaqatigiinnut kalaallinut pingaaruteqartut annertuumik isiginiarneqarput. 2024-mi pisariaqartitsinermit qulaajaanermik suliaqarnermi – neqeroortitsinissaq sioqqullugu – nittartakkap inuiaqatigiinni kalaallini sullinniakkanut tamanut atoruminartuunissaa, aamma aaqqiisummut ilaatillugu tamakkiisumik kalaallisut oqaasertaqarnissaa, ersarissumik naqissuserneqarpoq. Tamatuma saniatigut piumasaqaataavoq, nittartagaq kalaallinut ataqatigiissinneqarnissaanut tunngatillugu ineriartortinneqassasoq, taamaalilluni imarisai, atuuffii siammarterinermit inuiaqatigiit kalaallit sillimaffiginnilluni. Piumasaqaatit taakku pisariaqartitsinermit allagaatini erseqqissumik allaqqapput, kingornalu neqeroortitsinermit tunngaviullutik. Taamaalilluni kalaallisut isiginnittaaseqarneq kisiat eqqarsaatigineqanngilaq – tassaallunili suliaq aallartinneraniit atatitsilluni tunaartaasoq.

3. Oqaatsuvut atorlugit atorineqarsinnaasoq qaqugu periarfissaalissasoq Naalakkersuisut naatsorsuutigaat?



Akissut una suliffissanut nittartakkamut piujuartussamut nutaamut jobindex.gl-imuunngitsaq tunngassuteqarpoq.

Suliffissanut nittartagaq nutaaq 2025-p naanerani naammassissasoq naatsorsuutaavoq tamatumalu kingorna 2026-p aallartinnerani tamakkiisumik atuutilerluni. Piffissami ineriartortitsiviusumi nittartakkap imai tamaasa kalaallisut nutserneqarnissaat qulakkeerniarlugu immikkut aningaasaliissutissat immikkoortinneqareerput. Suliaq tamanna ineriartortitsinermut ilaatillugu ingerlaavartumik suliarineqarpoq, taamaalilluni aallaqqaataaniit oqaatsinut piorsarsimassutsimullu tunngasut tamakkiisumik ilanngullugit suliarineqarniassammata. Kalaallisut oqaatsivut inuiaqatigiinnilu immikkut ittumik pisariaqartitat aaqqiissummi ilassutaanngillat – suliniutip aallartinneraniilli qitiusumik piumasaqaatatut pisariaqartitsinermik qulaajaanermut ilanngullugit suliarineqarput.

4. Naalakkersuisut isumaqarpat pisortani suliffissat pillugit nittarsaassinermi siunertaasoq inatsisillu naapertorlugit pisussaaffiit naammassineqarsimasut, kalaallisut oqaasillit ikinngitsut nittarsaassivik atuarsinnaanagulu atorsinnaanngippassuk?

Suliffissanut nittartagaq nutaaq, maannakkorpiaq ineriartortinneqartoq, atorfiit inuttaqanngitsut innuttaasut oqaatsit ilitsoqqussaata atorlugit siammartertariaqarnerannik pisortatigut pisussaaffiit naalakkersuinikkullu siunniunneqartoq naammassineqarnissaat siunertarlugu, ilusilerneqarpoq. Nittartagaq maannakkut ineriartortinneqarnerani suliamut siunertamut tassungarpiaq immikkut aningaasaliissutinik immikkoortitsisoqarpoq. Aaqquissuussamut ilaatillugu nutserneqarnera ingerlaavartumik pivoq, taamaalilluni nutserneqarnera aalajangersimasumik malinnaatinneqarluni atoruminarsagaallunilu. Aaqquissummi inuiaqatigiinnut tunngatillugu siammasittuunissaa aamma qulakkeerneqarpoq, inatsisiliornermi tunngaviusoq. Taamatut iliornikkut nittartagaq nutaaq periaatsitigut ullumimut kisimi naleqquttuunngilaq, aammali oqaatsit inatsisillu ataqqillugit innuttaasunik tapersersuisuvuq.

5. Naalakkersuisut qanoq naliliippat, allannguut taanna politikikkut anguniakkanut naapertuunnersoq aamma pisortat ingerlatsineranni kalaallisut oqaatsit tamanit atorneqarsinnaanissaanut siunertamut pissusissamisoortussamullu sanilliussigaanni?

Suliffissanut nittartakkap nutaap periaatsitigut inatsisitigullu piumasaqaatit kisiisa naammassissanngilai, kisianni aamma pisortat ingerlatsineranni kalaallit oqaasiisa nukittorsarnissaat peqataatinnessaallu pingaarnertut naalakkersuinikkut anguniakkat piviusunngortissallugit. Nittartakkami digitaliusumi pingaarutilimmi kalaallit oqaasiisa pissusissamisoortutut tamanullu ammasumik atorneqarnera qulakkeerneratigut, kalaallit oqaasiinik ulluinnarni ersarinnerusumik atorneqarnissaanik pillugu anguniakkamik nittartagaq siuarsaavoq – aamma tamanut ammasut digitaliusullu ataqatigiinneranni.

Inussiarnersumik inuulluaqqusillunga


Bentiaq Ottosen